

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-130-14/21

Datum: 21.12.2021. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda d o n o s i

O D L U K U
o poništenju postupka javne nabavke opreme za potrebe sanitarne dijagnostike

I

Prihvata se preporuka Komisije za nabavke broj 07-130-13/21 od 13.12.2021. godine i poništava se postupak javne nabavke opreme za potrebe sanitarne dijagnostike koji je proveden putem konkurentskog zahtjeva za dostavljanje ponuda, iz razloga što primljena ponuda za predmetnu nabavku nije prihvatljiva.

II

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-7-1-273-3-13/21 od 16.11.2021. godine.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona, kao Ugovorni organ, je pokrenuo postupak javne nabavke opreme za potrebe sanitarne dijagnostike broj 07-130-2/21 od 16.11.2021. godine, putem konkurentskog zahtjeva za dostavu ponuda, za koji je objavljeno obavještenje na portalu javnih nabavki pod brojem 1247-7-1-273-3-13/21 dana 16.11.2021. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-920-1/21 od 28.10.2021. godine.

Tenderska dokumentacija je objavljena na Portalu javnih nabavki i istu je preuzelo 17 ponuđača. Poziv za učešće u predmetnom postupku upućen je na adrese tri ponuđača i to: TUZLA-FARM D.O.O. TUZLA, EUROLAB D.O.O. BJELJINA i MIKRO+POLO D.O.O. SARAJEVO.

U roku za prijem ponuda zaprimljena je jedna ponuda i to ponuda ponuđača TUZLA-FARM D.O.O. TUZLA. Komisija za nabavke (u daljem tekstu: Komisija) je konstatovala da je ponuda imenovanog ponuđača blagovremena, ispravno zapečaćena i pristupila njenom otvaranju. Komisija je konstatovala da je ponuda zaprimljena u ukupnom iznosu od 7.887,20 KM bez PDV-a odnosno 9.228,02 KM sa PDV-om. Po završetku otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđaču.

Komisija je zatim pristupila pregledu i ocjeni zaprimljene ponude i konstatovala da ponuda imenovanog ponuđača ne ispunjava kvalifikacione uslove definisane tenderskom dokumentacijom iz sljedećih razloga:

- Prema tački 11.3. pod a) tenderske dokumentacije, ponuđači su bili obavezni dostaviti katalošku dokumentaciju za ponudenu opremu, koja je trebala da sadrži sve tehničke podatke o ponuđenoj opremi (data sheet) koja će služiti kao referenca za ocjenu ponude u skladu sa zahtjevima tenderske dokumentacije. Isto tako je bilo potrebno naznačiti

(obožiti ili zaokružiti) ponudenu opremu, odnosno dijelove specifikacija koji se odnose na ponudeni model opreme čiju autentičnost ovjerava ponudač. Naime, ponudač TUZLA-FARM D.O.O. TUZLA je dostavio katalošku dokumentaciju za ponudeni računar i naznačio ponudeni procesor, ali ne i ponudenu memoriju i disk. Isto tako, imenovani ponudač nije dostavio katalošku dokumentaciju za monitor koji nudi, a kako je to zahtjevano navedenom tačkom tenderske dokumentacije, tako da Ugovorni organ nije mogao ni utvrditi da li ponudena roba odgovara zahtjevima postavljenim tenderskom dokumentacijom.

- Tačkom 12. tenderske dokumentacije Ugovorni organ je zahtjevao da se dostavi izjava o mjestu, načinu i roku isporuke robe, međutim imenovani ponudač je dostavio samo izjavu o mjestu isporuke.

Shodno navedenom Komisija je zaprimljenu ponudu odbila kao neprihvatljivu zbog neispunjavanja kvalifikacionih uslova.

Komisija je takode konstatovala da je ponuda imenovanog ponudača dostavljena u znatno većem iznosu od osiguranih sredstava za predmetnu nabavku.

Obzirom da zaprimljena ponuda nije prihvatljiva, Komisija je mišljenja da se predmetni postupak javne nabavke treba poništiti u skladu sa članom 69. stav (2) tačka d) Zakona, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od deset dana od dana prijema iste.

VD DIREKTORA
Dr.sci. Mulić Maida, van.prof.



Dostaviti:

1. Ponudaču
2. a/a